


14
1548
10



44
1548
10

春秋左氏古義卷第五

長興 臧壽恭述

襄公

正義云襄公以簡王十四年即位是歲歲在壽星
案置成元年定次三次餘八十一各加十八得
積次二十一餘九十九積次滿十二
去之得定次九命如法得歲在壽星

春秋古經第九

元年

夏晉韓厥帥師伐鄭仲孫蔑會齊崔杼曹人邾人杞

五襄

昭和十八年
十二月十八日

次于郟

韓厥公羊曰韓屈郟公羊曰合

案厥屈古通說見文十年范氏穀梁

注云郟鄭地郟或作合是穀梁經或本作合與公羊同是年左傳正義引賈逵云齊魯曹邾杞次于

郟則賈注本左氏經作郟與今本同

二年 靈王元年歲在大火太歲丙戌

三年

秋公至自會

公至自會穀梁曰公至自晉

案會作晉疑穀梁字誤

四年

秋七月戊子夫人妣氏薨

妣氏公羊曰弋氏

案說文無妣字當作以與弋同音相通

五年

叔孫蔑衛孫林父會吳于善道

善道公羊穀梁曰善稻

案說文導禾也司馬相如曰導一莖六穗也蓋道即

導之省與稻同音相通

公會晉侯宋公陳侯衛侯鄭伯曹伯莒子邾子滕子

薛伯齊世子光吳人郟人于戚公至自會冬戍陳
楚公子貞帥師伐陳公會晉侯宋公衛侯鄭伯曹
伯齊世子光救陳

公會晉侯宋公衛侯鄭伯曹伯齊世子光救陳公
羊曰公會晉侯宋公衛侯鄭伯曹伯莒子邾婁子
滕子薛伯齊世子光救陳穀梁曰公會晉侯宋公
衛侯鄭伯曹伯莒子邾子滕子薛伯齊世子光救

陳案左氏傳云九月丙午盟於戚會吳且命戍陳也冬諸侯戍陳子囊伐陳十一月甲午會于城

棗以救之據傳戍陳之諸侯即會于戚之諸侯惟郟屬于魯不與戍陳救陳之諸侯即戍陳之諸侯疑左氏經當與公穀同作公會晉侯宋公衛侯鄭伯曹伯莒子邾子滕子薛伯齊世子光救陳今本左氏經無莒子邾子滕子薛伯八字蓋傳寫譌奪故三傳釋文皆不標異同

十有二月公至自救陳辛未季孫行父卒

賈氏云月為下卒起其義也公羊疏十九

六年

七年

十有二月公會晉侯宋公陳侯衛侯曹伯莒子邾子

于鄒鄭伯髡頑如會未見諸侯丙戌卒于鄒

髡頑公羊穀梁曰髡原鄒公羊穀梁曰操案頑原同聲相

假鄒操俱从臬聲鄒為正字操乃假借字穀梁釋文云髡苦門反本又作郡或作顛顛音于倫反是穀梁別本又假郡顛為髡

獲蔡公子燮

燮穀梁曰溼案穀梁釋文云溼本又作隰又音燮

二十年同據陸音溼為燮即本左氏作音又作隰隰乃譌字也說文云燮讀若溼此燮溼相通之証

八年

九年春宋災

宋災公羊曰宋火案傳說不同

冬公會晉侯宋公衛侯曹伯莒子邾子滕子薛伯杞

伯小邾子齊世子光伐鄭

薛伯杞伯小邾子穀梁曰薛伯小邾子案左氏經有杞伯傳

有明文穀梁經無杞伯疑譌奪

十年

夏五月甲午遂滅偃陽

偃陽穀梁曰傅陽

案左傳釋文云偃甫目反是福與傳同音古書多通假

冬盜殺鄭公子駢

駢公羊穀梁曰斐

案駢斐皆从非聲駢正字斐假借字駢之作斐猶斐之作斐也

十有一年春王正月作三軍

正義引何休膏肓云季武子將作三軍何休以為左氏說云尊公室休以為與舍中軍義同于義左氏為短箴曰左氏傳云作三軍三分公室各有其一謂三家始專兵甲卑公室云左氏說者尊公室失左氏意遠矣案據韋昭魯語注是季武子意欲專公室而名則尊公室故何氏云然說詳是年傳下

秋七月己未同盟于亳城北

亳城北公羊穀梁曰京城北

案公羊疏云左氏經作亳城北服氏之經

亦作京城北乃與此傳同之也又案亳商邑也毛詩商邑翼翼後漢書樊準傳引作京師翼翼注云韓詩之文也是亳亦稱京故魯語云紂踣于京

十有二年春王三月莒人伐我東鄙圍台

台穀梁曰郚

案郚為正字台為假借字

十有三年

夏取郟

郭公羊日詩案郭詩皆从寺聲郭為正字詩為假借字然左氏以郭為國公羊以詩為

郭婁之邑傳說不同不必強通

十有四年

公孫薑

薑公羊日曠

案曠即薑之或體

二月乙未朔日有食之

劉歆以為前年十二月二日宋燕分

案前年入甲申統一千八

十三年積月一萬三千三百九十五無閏餘積日三十九萬五千五百六十五小餘七十五大餘四

十五正月己巳朔大小餘三十七二月己亥朔小
小餘八十三三月戊辰朔大小餘四十二四月戊戌
朔大小餘四五月戊辰朔小小餘四十七六月丁
酉朔大小餘九七月丁卯朔小小餘五十二八月
丙申朔大小餘十四九月丙寅朔小小餘五十七
十月乙未朔大小餘十九十一月乙丑朔小小餘
六十二十二月甲午朔二日乙未又置前年積日
加積日三百二十五以統法乘之以十九乘小餘
六十二并之滿周天除去之餘四十九萬九千九
百二十八滿統法而一得積度三百二十四度餘
一千二百九十二命如法得十二月甲午朔合辰
在尾十五度二日乙未日在尾十六度尾在大火
析木之間十二次之分大火
宋也析木燕也故曰宋燕分

已未衛侯出奔齊

衛侯公羊曰衛侯衍案左穀經無衍字杜注文楊疏並有明文桓十六年衛侯朔出奔齊公羊傳曰衛侯朔何以名絕何休注此云不書孫甯逐君者舉君絕為重據此則公羊經有衍字與左穀異正義引釋例云諸侯奔亡皆迫逐而苟免非自出也正義又云曲禮云諸侯失地名失地書名傳無其事禮記之文或據公羊之義不可通于左氏故杜不為此說案據釋例及正義說則左氏先儒亦取諸侯失地名之例故凡諸侯奔亡皆書名此不名者為孫甯所逐故不名左傳具有明文杜預滅棄古義造為從告之說顯與傳違正義回護杜說駁難先儒即其說而細釋傳文則古義猶可得也

十有五年

秋八月丁巳日有食之

劉歆以為五月二日魯趙分

案是年入甲申統一千八百八十五年積月一

萬三千四百二十九閏餘十四閏在九月後積日三十九萬六千二百七十四小餘五十四大餘三十四正月戊午朔大小餘十六二月戊子朔小小餘五十九三月丁巳朔大小餘二十一四月丁亥朔小小餘六十四五月丙辰朔二日丁巳又置是年積日加積日一百十八以統法乘之以十九乘小餘六十四并之滿周天除去之餘十四萬八千二百六十八滿統法而一得積度九十六度餘五百二十四命如法得五月丙辰朔合辰在婁九度二日丁巳日在婁十度婁在降婁大梁之間十二次之分降婁魯也大梁趙也故曰魯趙分

五襄

七

冬十有一月癸亥晉侯周卒

公羊釋文云
周一本作雕

十有六年

三月公會晉侯宋公衛侯鄭伯曹伯莒子邾子薛伯
杞伯小邾子于溴梁戊寅大夫盟

賈服以為不曰諸侯之大夫者惡大夫專而君失

權也

正義公羊以為溴梁之盟君若贅旒
然穀梁云不曰諸侯之大夫大夫不臣也皆
以為此時諸侯微弱權在大夫諸侯皆在而大夫
自盟政教約信在于大夫其事不由君也不曰諸

侯之大夫刺大夫不
臣也賈服取以為說

冬叔孫豹如晉

晉穀梁曰齊

案穀梁釋文不言與
二傳異疑穀梁字誤

十有七年春王二月庚午邾子貜卒

輕公羊穀梁曰矐

案考工記顧脰鄭注云故書顧
作輕鄭司農讀為鬣頭無髮之
鬣是輕通顧與鬣同音故矐亦與輕通
古人多以輕為名矐蓋輕之假借字

秋齊侯伐我北鄙圍桃

桃公羊曰洮

案桃洮聲
同相假

高厚帥師伐我北鄙圍防

高厚公羊穀梁曰齊高厚

案經在圍桃下蒙上文故不繫齊疑公穀誤衍

齊字

十有八年春白狄來

隋蕭吉五行大義三論配五色云頴子嚴春秋釋例云經有赤狄白狄

十有九年春王正月諸侯盟于祝柯

祝柯公羊曰祝阿

案柯阿聲同相假

公至自伐齊

賈逵云圍齊而致伐以策伐勲也

正義

取邾田自漵水

賈服以為刺晉偏而魯貪

正義

秋七月辛卯齊侯環卒

環公羊曰瑗

案環瑗音同相假

鄭殺其大夫公子嘉

嘉公羊曰喜

案嘉喜古通篆書嘉與喜相似

二十年

五襄

陳侯之弟黃出奔楚

黃公羊穀梁日光

案說文黃从田芟芟即古文光故光黃古通漢書天文志中道

者黃道一日光道

賈逵云稱名罪其偏 正義

冬十月丙辰朔日有食之

劉歆以為八月秦周分

案是年入甲申統一千九十年積月一萬三千四百

八十一閏餘十一積日三十九萬八千一百五小餘四十七大餘五正月己丑朔大小餘九二月己未朔小小餘五十二三月戊子朔大小餘十四四月戊午朔小小餘五十七五月丁亥朔大小餘十

九六月丁己朔小小餘六十七七月丙戌朔大小餘二十四八月丙辰朔又置是年積日加積日二百七以統法乘之以十九乘小餘二十四并之滿周天除去之餘二十九萬一千八百二十四滿統法而一得積度一百八十九度餘九百五十四命如法合辰在柳初度柳在鶉首鶉火之間十二次之分鶉首秦也鶉火周也故曰秦周分

二十有一年

九月庚戌朔日有食之

劉歆以為七月秦晉分

案是年入甲申統一千九十年積月一萬三千四

百九十三閏餘十八閏在二月後積日三十九萬八千四百五十九小餘七十七大餘五十九正月

癸未朔大小餘三十九二月癸丑朔大小餘一閏
月癸未朔小小餘四十四三月壬子朔大小餘六
四月壬午朔小小餘四十九五月辛亥朔大小餘
十一月六月辛巳朔小小餘五十四七月庚戌朔大
小餘十六八月庚辰朔小小餘五十九九月己丑
朔大小餘二十一十月己卯朔小小餘六十四十
一月戊申朔又置是年積日加積日二百七以統
法乘之以十九閏小餘五十四并之滿周天除去
之餘二十七萬五千八十滿統法而一得積度一
百七十八度餘一千一百三十八命如法合辰在
井二十六度并在實沈鶉首之間十二次
之分鶉首秦也實沈晉也故曰秦晉分

冬十月庚辰朔日有食之

劉歆以為八月秦周分

案置上積度加積度二十
九度餘八百十七共得積

度二百八度餘四百十六命如法合辰在星五度
又案比月日食二十四年正義及是年穀梁疏
疑其與今麻不合然據史記十二諸侯年表及漢
書五行志所引諸儒舊說是漢儒皆依經立說別
無疑詞後儒據今
麻疑之慎矣

賈逵云此年仲尼生哀十六年夏四月己丑卒七

十三年

正義四十錢氏大昕云左氏傳于哀十
六年書孔子卒而不書生年公羊云襄二

十一年

十一月庚子生穀梁云二十年十月庚子

生史記則云二十二年孔子生而無月日攷賈逵

注左傳于襄二十一年云此年仲尼生又昭二十

四年服虔注引賈逵云仲尼時年三十五是漢儒

皆以孔子生在襄二十一年也是年經書十月庚

辰朔則十一月無庚子日子以三統術推襄公二

五襄

二

十一年十月己卯朔其月廿二日庚子是為宣尼
生之日年从公羊月从穀梁與賈服注左傳亦合
自襄公二十一年至哀十六年實七十四算而賈
云年七十三者古人于周歲始增年也史記謂生
于襄二十二年者古則以相距之歲計之
案穀梁傳于襄二十一年十月後云庚子孔子生
不言二十年又公羊釋文云庚子孔子生傳文上
有十月庚辰此亦十月也一本作十一月庚子據
此陸氏所據本公羊經庚子上無十一月三字與
穀梁同作十月錢氏云年从公羊月从穀梁據今
本言之耳又是年魯史書十月庚辰朔三統以為
八月然則二傳所謂十月庚子三統以為八月二
十一日也魯史後三統二月錢氏以三統之十月
當魯史之十月誤又案孔子生于十月庚子二傳
說也謂孔子生于襄公二十一年不言月日左氏說也

二十有一年

冬公會晉侯齊侯宋公衛侯鄭伯曹伯莒子邾子薛

伯杞伯小邾子于沙隨

邾子薛伯公羊曰邾婁子滕子薛伯穀梁曰邾子

滕子薛伯 案左氏經無滕子疑誤奪

二十有三年春王二月癸酉朔日有食之

劉歆以為前年十二月二日宋燕分 案前年入甲申統一千九

十二年積月一萬三千五百六閏餘六積日三十
九萬八千八百四十三小餘六十九大餘二十三

正月丁未朔大小餘三十一二月丁丑朔小小餘
七十四三月丙午朔大小餘三十六四月丙子朔
小小餘七十九五月乙巳朔大小餘四十一六月
乙亥朔大小餘三十七月乙巳朔小小餘四十六
月甲戌朔大小餘八九月甲辰朔小小餘五十一
十月癸酉朔大小餘十三十一月癸卯朔小小餘
五十六十二月壬申朔二日癸酉又置前年積日
加積日三百二十五以統法乘之以十九乘小餘
五十六并之滿周天除去之餘四十八萬六千三
百七十六滿統法而一得積度三百十六度餘五
十二命如法得十二月壬申朔合辰
在尾七度二日癸酉日在尾八度

夏邾畀我來命

畀我公羊日鼻我

釋文作畀我音必利反案昭二十年曹公孫會自鄆出奔疏

兩引作卑卑畀形近漢校官碑卑作畀是隸書畀即卑也鼻畀同字

賈以為畀我庶其之黨同有竊邑叛君之罪 正義

八月叔孫豹帥師救晉次于雍榆

先儒以為叔孫臣也先通君命故先救後次 正義

二十有四年

秋七月甲子朔日有食之既

劉歆以為五月魯趙分 案是年入甲申統一千九十四年積月一萬三千五百

百二十一閏餘一積日三十九萬九千五百八十二小餘十大餘四十二正月丙寅朔小小餘五十五襄

三二月乙未朔大小餘十五三月乙丑朔小小餘
五十八四月甲午朔大小餘二十五五月甲子朔
小餘六十三六月癸巳朔又置是年積日加積日
一百十七以統法乘之以十九乘小餘二十并之
滿周天除去之餘十七萬九千四百滿統法而一
得積度一百十六度餘八百七十六命如法合辰
在昴
三度

八月癸巳朔日有食之

劉歆以為六月晉趙芬案置上積度一百十六度

十九度餘八百七十七共得積度一百四十六度餘一百五十四命如法合辰在參四度

二十有五年

衛侯入於夷儀

先儒以為國逆正義

冬公孫夏帥師伐陳曹人于宋

公孫夏公羊曰公孫囓案夏囓方音之譌

十有二月吳子遏伐楚門于巢卒

遏公羊穀梁曰謁案遏謁並从曷聲同音相通

二十有六年

公會晉人鄭良霄宋人曹人于澶淵

先儒以為諸侯有過貶而稱人正義十三

秋宋公殺其世子痤

痤穀梁曰座案座座音同相假

二十有七年

夏叔孫豹會晉趙武楚屈建蔡公孫歸生衛石惡陳

孔奐鄭良霄許人曹人于宋

孔奐公羊穀梁曰孔瑗案奐與垣通垣从巨聲瑗从爰聲巨爰同聲故瑗瑗

與奐通

衛侯之弟鱣出奔晉

鱣穀梁曰專案專即鱣之省文

冬十有二月乙亥朔日有食之

劉歆以為九月周楚分案是年入甲申統一千九百六十八閏餘三積日四十萬六百七十四小餘六十一大餘五十四正月戊寅朔大小餘二十三

二月戊申朔小小餘六十六三月丁丑朔大小餘二十八四月丁未朔小小餘七十一五月丙子朔

大小餘三十三六月丙午朔小小餘七十六七月乙亥朔大小餘三十八八月乙巳朔大無小餘九

月乙亥朔又置是年積日加積日二百三十七以

統法乘之滿周天除去之餘三十五萬六千三百

五襄

八十九滿統法而一得積度二百三十一
度餘八百八十命如法合辰在翼三度

三統術云治麻明時所以和入道也周道既衰幽
王既喪天子不班朔魯麻不正以閏餘一之歲為
部首故春秋刺十一月乙亥朔日有食之於是辰
在申而司麻以為在建戌史書建亥又曰襄公二
十七年距辛亥百九歲九月乙亥朔是建申之月
也魯史書十二月乙亥朔日有食之傳曰冬十一
月乙亥朔日有食之於是辰在申司麻過也再失

閏矣言時實行以為十一月也不察其建不考之

於天也案傳作十一月故云司麻以為在建戌經
作十二月故云史書建亥辛亥僖公五年

為孟統五十三章首
故曰距辛亥百九歲

二十有八年

二十有九年景王元年歲在
立枵太歲癸丑

仲孫羯會晉荀盈齊高止宋華定衛世叔儀鄭公孫

段曹人莒人滕人薛人小邾人城杞

世叔儀公羊曰世叔齊案昭三十二年經哀十一
年傳杜注世叔齊即世叔

疾疾為世叔申之子申為世叔儀之孫是世叔齊乃世叔儀之曾孫疑公羊經誤

吳子使札來聘

賈逵服虔皆以為夷末新即位使來通聘正義

三十年春王正月楚子使薳罷來聘

薳罷公羊曰薳頗案罷頗一聲之轉

五月甲午宋災宋伯姬卒

宋伯姬公羊穀梁曰伯姬案下如宋葬宋共姬有宋字疑此經亦有宋字

公穀無者誤奪

天王殺其弟佞夫

佞夫公羊曰年夫案佞从仁聲與年同音故相通假

秋七月叔弓如宋葬宋共姬

世本云叔肝生聲伯嬰齊齊生叔老老生叔弓

左氏說諸侯夫人喪士弔士會葬文襄霸士弔大夫會葬叔弓如宋葬宋共姬上卿行過厚非禮也

禮記正義十二引五經異義

三十有一年

昭公

正義云昭公以景王四年即位是歲歲在大梁
案置襄元年定次九次餘九十九各加三十一得
積次四十次餘一百三十積次滿十二
去之得定次四命如法得歲在大梁

春秋古經第十

元年

叔孫豹會晉趙武楚公子圍齊國弱宋向戌衛齊惡

陳公子招蔡公孫歸生鄭罕虎許人曹人于虢

國弱公羊曰國酌罕虎公羊曰軒虎虢公羊曰鄣

案弱酌同音假借說文罕軒並从干聲故定十五年經罕達公羊亦作軒達昭四年傳渾罕韓子作渾軒亦同音相假國策秦策郭君高誘注云古文言虢也是虢為古文郭為今文鄣即郭之假借故公羊釋文云鄣音郭又音虢

穎氏日子招樂憂故去弟以懲過

正義引釋例正義云公羊之意言八年楚託討于招以滅陳著招之罪重故于此預貶之先儒或取公羊為說

三月取鄆

賈逵云楚以伐莒來討故諱伐不諱取

正義

晉荀吳帥師敗狄于大鹵

五昭

大

大鹵公羊穀梁案傳說不同

冬十有一月己酉楚子麇卒

麇公羊曰卷案麇卷古音同部故相通假

二年

三年春王正月丁未滕子原卒

原公羊曰泉案原泉音義相近古多通用

八月大雩

劉歆以為昭公即位年十九矣猶有童心居喪不

哀炕陽失眾漢書五行志中之上

四年春王正月大雨雹

賈氏云大雨雹穀梁曰大雨雪公羊疏二十二案今本公羊經及

公羊釋文皆作大雨雪而公羊疏引賈氏說獨言穀梁者蓋奪文又案漢書五行志中之下云昭公四年正月大雨雪劉向以為昭取于吳而為同姓謂之吳孟子君行于上臣非于下又三家已強皆賤公行慢侮之心生董仲舒以為季孫宿任政陰氣盛也據此則二傳皆作雨雪惟左氏經作雨雹

遂滅賴

五昭

七

賴公羊穀梁曰厲

案賴厲同音相假

五年

戊辰叔弓如晉帥師敗莒師于蚡泉

蚡泉公羊曰瀆泉穀梁曰賁泉

案瀆即賁之省宣十七年苗賁皇說

苑善說篇作盆黃是賁與蚡通然左氏穀梁以為魯地公羊以為涌泉傳說不同不必強通

六年

秋九月大雩

劉歆以為先是莒牟夷以二邑來犇莒怒伐魯叔

弓帥師距而敗之昭得人晉外和大國內獲二邑

取勝鄰國有炕陽動眾之象

漢書五行志中之上

七年春王正月暨齊平

賈逵以為魯與齊平許惠卿以為燕與齊平服虔

云襄二十四年仲孫羯侵齊二十五年崔杼伐我

自爾以來齊魯不相侵伐且齊是大國無為求與

魯平此六年冬齊侯伐北燕將納簡公齊侯貪賄

而與之平故傳言齊求之也 正義

叔孫婁如齊蒞盟

婁公羊曰舍

案婁舍一聲之轉

夏四月甲辰朔日有食之

劉歆以為二日魯衛分傳曰晉侯問於士文伯曰

誰將當日食對曰魯衛惡之衛大魯小公曰何故

對曰去衛地如魯地于是有災其衛君乎魯將上

卿是歲八月衛襄公卒十一月魯季孫宿卒晉侯

謂士文伯曰吾所問日食從矣可常乎對曰不可

六物不同民心不壹事序不類官職不則同始異

終胡可常也詩曰或宴宴居息或盡頓事國其異

終也如是公曰何謂六物對曰歲時日月星辰是

謂公曰何謂辰對曰日月之會是謂公曰詩所謂

此日而食于何不臧何也對曰不善政之謂也國

無政不用善則自取適于日月之災故政不可不

慎也務三而已一曰擇人二曰因民三曰從時此

推日食之占循變復之要也易曰懸象著明莫大

于日月是故聖人重之載于三經于易在豐之震
日豐其沛日中見昧折其右肱亡咎于詩十月之
交則著卿士司徒下至趣馬師氏咸非其材同于
右肱之所折協于三務之所擇明小人乘君子陰

侵陽之原也

案此左氏先儒引傳釋經之舊式故備錄之是年入甲申統一千一百八

年積月一萬三千七百四閏餘四積日四十萬四千六百九十一小餘七十八大餘五十五正月甲戌朔大小餘四十二月甲辰朔大小餘二三月甲戌朔小小餘四十五四月癸卯朔二日甲辰又置是年積日加積日八十九以統法乘之以十九乘小餘四十五并之滿周天除之餘十二萬三千九百七

十五滿統法而一得積次八十二次餘五百六十八命如法得四月癸卯朔合辰在奎十一度二日

甲辰日在奎十二度

八年

秋蒐于紅

劉賈頴云蒐于紅不言大者言公大失權在三家也正義

冬十月壬申楚師滅陳執陳公子招放之于越殺陳

孔奐葬陳哀公

賈服以葬哀公之文在殺孔奐之下以為楚葬哀

公正義

九年

許遷于夷

正義云若許不欲遷而楚強遷之則當云楚人遷許案據正義云云先儒必有以為楚人強遷者傳云楚公子棄疾遷許于夷其為楚人強遷無疑經以自遷為文不言楚人遷許者不與楚也正義舉宋人遷宿齊人遷陽為比例蓋不明春秋夷夏之義

夏四月陳災

災公羊穀梁曰火

案傳說不同

賈服以為陳已滅而書陳災愍陳不與楚故存陳而書之陳尚為國也正義

十年

夏齊欒施來奔

齊公羊曰晉

案左氏作齊傳有明文公羊無傳公羊釋文云晉欒施左氏作齊欒施是

公羊作晉之明證

秋七月季孫意如叔弓仲孫矍帥師伐莒

五昭

三

意如公羊曰隱如案意隱聲轉相通

十有二月甲子宋公成卒

成公羊曰戌

左氏釋文云成音城何休音恤公羊釋文云宋戌讀左傳者音成何云向

戌與君同名則宜音恤

案二文形近易譌莊子大宗師成然寐釋文云成本作戌與此正同

賈服以為去冬刺不登臺視氣

公羊疏二十二禮記正義五十三

十有一年

大蒐于比蒲

賈服以為書大者言大衆盡在三家

正義四十四

仲孫纓會邾子盟于祫祥

祫祥公羊曰祫羊

案祥羊古通公羊疏云服氏注引者直作詳無祫字

秋季孫意如會晉韓起齊國弱宋華亥衛北宮佗鄭

罕虎曹人杞人于厥慙

意如公羊曰隱如國弱公羊曰國酌罕虎公羊曰

軒虎厥慙公羊曰屈銀

公羊疏云齊國弱賈氏作齊國酌服氏作齊國弱案

據此則賈氏經與今本公羊經同服氏經與今本左氏經同慙與銀同音地名無定字餘說見前

又案意如國弱罕虎重標異文者因欲引公羊疏以見賈服之異也

十有二年春齊高偃帥師納北燕伯于陽

賈氏云時陽守距難故稱納正義二

十八

楚殺其大夫成熊

成熊公羊曰成然穀梁曰成虎

案熊與然疑隸變形近致誤熊然虎

三者皆獸名古或互用爾雅云熊虎醜

十月公子慙出奔齊

慙公羊曰整

案隸書慙作慙整作慙形近致誤

晉伐鮮虞

正義云穀梁曰其曰晉狄之也不正其與夷狄交伐中國故狄稱之也賈服取以為說穀梁范注鄭君釋廢疾云晉為厥慙之會實謀救蔡以八國之師而不救楚終滅蔡今又伐徐晉不糾合諸侯以遂前志舍而伐鮮虞是楚而不如也故狄稱之焉鄭君之說似依左氏

十有三年

夏四月楚公子比自晉歸于楚弑其君虔于乾谿

先儒以地乾谿為失所

正義九引釋例

十有四年

是年歲星从申越未而至午

十有五年春王正月吳子夷末卒

夷末公羊曰夷昧案末即昧之省文公羊釋文云昧音末亦作末

夏蔡朝吳出奔鄭

朝吳出奔鄭公羊曰昭吳奔鄭公羊疏云左氏穀梁皆言朝吳出奔

鄭今此作昭吳字又不言出者所見之文異案公羊經無出字何注有明文朝與昭音同相假

六月丁巳朔日有食之

劉歆以為三月當作五月魯衛衛當作趙字分案是年入甲申統一

千一百十六年積月一萬三千八百三閏餘三積日四十七萬七千六百十四小餘四十二大餘三十四正月戊午朔大小餘四二月戊子朔小小餘四十七三月丁巳朔大小餘九四月丁亥朔小小

餘五十二五月丙辰朔二日丁巳又置是年積日加積日一百十八以統法乘之以十九乘小餘五十二并之滿周天除去之餘十七萬四千六百十六滿統法而一得積度一百十三度餘七百九命如法得五月丙辰朔合辰在胃十三度二日丁巳日在胃十四度十二次之分降婁魯也大梁趙也降婁終于胃六度大梁起于胃七度今合辰在胃故曰魯趙分

十有六年

楚子誘戎蠻子殺之

戎蠻子公羊曰戎曼子案古無重唇音輕唇音之別故蠻曼同音相假

賈逵以為楚子不名以立其子正義

九月大雩

劉歆以為先是昭公母夫人歸氏薨昭不感又大
薨于比蒲晉叔向日魯有大喪而不廢蒐國不恤
喪不忌君也君無感容不顧親也殆其失國與三

年同占

漢書五行
志中之上

十有七年

夏六月甲戌朔日有食之

劉歆以為

案奪五
月二字

魯趙分左氏傳平子曰唯正月

朔隱未作日有食之于是乎天子不舉伐鼓于社
諸侯用幣于社伐鼓于朝禮也其餘則否太史曰
在此月也日過分而未至三辰有災百官降物君
不舉避移時樂奏鼓祝用幣史用辭嗇夫馳庶人
走此月朔之謂也當夏四月是謂孟夏說曰正月
謂周六月夏四月正陽純乾之月也隱謂陰爻也
冬至陽爻起初故曰復至建巳之月為純乾亡陰
爻而陰侵陽為災重故伐鼓用幣責陰之禮降物

素服也不舉去樂也避移時避正堂須時移災復

也嗇夫掌幣吏庶人其徒役也案是年入甲申統

積月一萬三千八百二十七閏餘十七正清明閏
在五月前積日四十萬八千三百二十三小餘二
十一大餘二十三正月丁未朔小小餘六十四二
月丙子朔大小餘二十六三月丙午朔小小餘六
十九四月乙亥朔大小餘三十一閏月乙巳朔小
小餘七十四五月甲戌朔又置是年積日加積日
一百四十七以統法乘之以十九乘小餘七十四
并之滿周天除去之餘十八萬六千五百七十六
滿統法而一得積度一百二十一度餘三百五十六
七命如法合辰在昴八度又以策餘八千八十乘
入統歲得九百三萬三千四百四十滿統法而一
得大餘五千八百六十七小餘二百八十三大餘

滿六十去之得是年冬至大餘四十九命如法癸
酉冬至正月二十七日也三其小餘得小餘八百
四十九又加大餘十五小餘千一十得戊子小寒
二月十三日也甲辰大寒二月二十九日也巳未
立春三月十四日也甲戌驚蟄三月二十九日也
巳丑雨水四月十七日也甲辰春分四月三十日
也庚申穀雨閏月十六日也乙亥清明五月二日
也是月十七日庚寅立夏以後純乾用事故
大史日在此月也五月甲戌朔距春分已三十三
日不及立夏十七日故日日過分而未至蓋是年
魯麻失閏故魯
史書以為六月

冬有星孛于大辰

左氏傳曰有星孛于大辰西及漢申縞曰彗所以

除舊布新也天事恆象今除于火火出必布焉諸
侯其有火灾乎梓慎曰往年吾見是其徵也火出
而見今茲火出而章必火入而伏其居火也久矣
其與不然乎火出于夏爲三月于商爲四月于周
爲五月夏數得天若火作其四國當之在宋衛陳
鄭乎宋大辰之虛陳大昊之虛鄭祝融之虛皆火
房也今星孛于漢漢水祥也衛顓頊之虛其星爲
大水水火之牲也其以丙子若壬午作乎水火所
以合也若火入而伏必以壬午不過見之月明年
夏五月火始昏見丙子風梓慎曰是謂融風火之
始也七月其火作乎戊寅風甚壬午太甚宋衛陳
鄭皆火劉歆以爲大辰房心尾也八月心星在西
方孛從其西過心東及漢也宋大辰虛謂宋先祖
掌祀大辰也陳大昊虛慮羲木德火所生也鄭祝
融虛高辛氏火正也故皆爲火所舍衛顓頊虛星
爲大水營室也天星旣然又四國失政相似及爲

王室亂皆同 漢書五行志下之下

十有八年

十有九年

二十年

夏曹公孫會自鄴出奔宋

鄭穀梁曰夢 案夢卽鄭之省

賈逵云前此以鄴叛也叛便從鄴而出叛不告故不書又云所以華亥向寧射姑等不見有玉帛來

聘者以其時未爲卿也 正義

秋盜殺衛侯之兄縶

縶公羊穀梁曰輒 案縶卽輒之或體字與輒同音故假輒作縶穀梁傳云輒者何

也曰兩足不能相過齊謂之縶楚謂之輒衛謂之輒釋文云衛謂之輒本亦作縶劉兆云如見絆縶也據此則

縶輒本通

二十有一年

宋華亥向寧華定自陳入于宋南里以叛

賈氏云南里穀梁曰南鄙 公羊疏二十三疏云左穀皆作南里而賈氏

云穀梁曰南鄙蓋所見異也案今本穀梁經作南里與劉炫作公羊疏時所見本同

叛公羊曰畔案叛畔皆从半聲通

賈逵云書入華貍兄弟作亂召而逆之正義

秋七月壬午朔日有食之

劉歆以為五月二日魯趙分案是年入甲申統一千一百二十二年積

月一萬三千八百七十七閏餘七積日四十萬九千七百九十九小餘六十五大餘五十九正月癸未朔大小餘二十七二月癸丑朔小小餘七十三三月壬午朔大小餘三十二四月壬子朔小小餘七十五五月辛巳朔二日壬午又置是年積日加積日一百十八以統法乘之以十九乘小餘七十

五并之滿月天除去之餘十六萬五千四十八滿統法而一得積度一百七度餘三百七十五命如法得五月辛巳朔合辰在胃八度二日壬午日在胃九度

八月乙亥叔輒卒

輒公羊曰痊案未詳疑支歌二部通轉之譌

冬蔡侯朱奔出楚

朱穀梁曰東案傳說不同

二十有二年

大蒐于昌間

蒐公羊曰廋昌閒公羊曰昌姦案蒐廋通釋文及鄂州本公羊作廋

他本與左氏穀梁同作蒐閒與姦音同相假

王室亂

何休注公羊云不言成周言王室者正王以責諸侯也漢書五行志上云宋衛鄭陳災劉向以為宋陳王者之後衛鄭周同姓也時周景王老劉子單子事王子猛尹氏召伯毛伯事王子鼂子鼂楚子出也又宋衛陳鄭亦皆外附于楚亡尊周之心後三年景王崩王室亂故天災四國天戒若曰不救周反從楚世子立不正以害王室明同罪也又下之云劉歆以為四國失政相似及為王室亂皆同案休為公羊說向為穀梁說歆為左氏說是三傳皆以為經書王室亂刺諸侯之不救而

杜預獨以為承叔鞅言而書之滅棄古義自造謬說開唐宋以後謬說之弊者實預之罪也

十有二月癸酉朔日有食之

劉歆以為十月楚鄭分案是年入甲申統一千一百二十三年積月一萬三千八百八十九閏餘十四正秋分閏在九月後積日四十一萬一百五十四小餘十四大餘五十四

正月戊寅朔小餘五十七二月丁未朔大餘十九三月丁丑朔小餘六十二四月丙午朔大餘二十四五月丙子朔小餘六十七六月乙巳朔大餘二十九七月乙亥朔小餘七十二八月甲辰朔大餘三十四九月甲戌朔小餘三十九十月癸酉朔大餘三十九十一月癸卯朔大餘三十九十二月癸酉朔大餘三十九并之滿周天除去之餘四

十二萬九百九十二滿統法而一得積度二百七十三度餘八百四十五命如法合辰在角十度

二十有三年

敬王元年歲在降婁太歲己卯

秋七月莒子庚輿來奔戊辰吳敗頓胡沈蔡陳許之

師于雞父

雞父穀梁曰雞甫

案父甫古字通用

賈逵云不國國書師惡其同役而不同心

服虔義云不書楚楚諱敗不告

並正義

胡子髡沈子逞滅

逞公羊曰楹穀梁曰盈

案襄二十三年傳晉欒盈史記晉世家作欒逞昭四

年傳逞其心以厚其毒新序善謀篇逞

作盈是逞與盈通公羊蓋借楹作盈

天王居于狄泉

案史記周本紀敬王元年晉人入敬王子朝自立敬王不得入居澤賈逵曰澤邑周地也即狄泉

冬公如晉至河有疾乃復

至河有疾公羊穀梁曰至河公有疾

案石經岳本左氏經河字

下俱無公字而二傳釋文不言左氏無公字疑左氏經奪公字

二十有四年

仲孫獲卒

服虔載賈逵語云是歲孟僖子卒屬其子使事仲

尼仲尼時年三十五

正義 史記 索隱十四

夏五月乙未朔日有食之

劉歆以為二日魯趙分是月斗建辰左氏傳梓慎

曰將大水昭子曰旱也日過分而陽猶不克克必

甚能無旱乎陽不克句莫將積聚也是歲秋大雩

旱也二至二分日有食之不為災日月之行也春

秋分日夜等故同道冬夏至長短極故相過相過

同道而食輕不為大災水旱而已

案是年入甲申 統一千一百二

十五年積月一萬三千九百十四閏餘九積日四
十一萬八百九十二小餘三十六大餘十二正月
丙申朔小小餘七十九二月乙丑朔大小餘四十
一三月乙未朔大小餘三四月乙丑朔小小餘四
十六五月甲午朔二日乙未又置是年積日加積
日一百十八以統法乘之以十九乘小餘四十六
并之滿周天除去之餘十六萬二千六百四十四滿統
法而一得積度一百四度餘二度一百四度餘二
百八命如法得五月甲午朔合辰
在胃五度二日乙未日在胃六度

秋八月大雩

五昭

五昭

劉歆以為二十三年邾師城翼還經魯地魯襲取

邾師獲其三大夫邾人愬于晉晉人執我行人叔

孫婣是春廼歸

漢書五行志中之上

丁酉杞伯郁釐卒

郁釐公羊曰鬱釐

案郁鬱聲轉相通釐釐同字

二十有五年

夏叔詣會晉趙鞅宋樂大心衛北宮喜鄭游吉曹人

邾人滕人薛人小邾人於黃父

叔詣公羊穀梁曰叔倪

案公羊疏云左氏經賈注者作叔詣字據此是他家

左氏經亦作叔倪字與公穀經同作倪蓋詣之假借字

有鸛鶴來巢

鸛鶴公羊曰鸛鶴

左傳釋文云鸛其俱反嵇康音權本又作鸛公羊傳作鸛音權

部樸注山海經鸛鶴也鸛音欲

公羊釋文云

鸛音其俱反本又作鸛音灌左氏作鸛公羊作鸛

鸛音欲案說文作鸛鸛考工記鄭注引昭二十

五年經亦作鸛鸛是左氏經當從釋文又作本作鸛

五昭

蓋

左氏作鸛矣今本左氏經作鸛疑杜預所改漢書五行志引左傳作鸛鸛蓋齊梁人據杜本改之也考工記鸛鸛不踰濟鄭注云春秋昭二十五年有鸛鸛來巢傳曰書所無也鄭司農云不踰濟無妨于中國有之賈疏引異義云公羊以為鸛鸛夷狄之鳥穴居今來至魯之中國巢居此權臣欲自下居上之象穀梁亦以為夷狄之鳥來中國左氏以為書所無也謹案從二傳駁曰案春秋來者甚多非皆从夷狄來也從魯疆外而至則言來本濟西穴處今乃踰濟而東又巢為昭公將去魯國案鄭注所引司農說乃左氏舊說據鄭駁異義鄭亦从左氏說

劉歆以為羽蟲之孽其色黑又黑祥也視不明聽

不聰之罰也五行志中之下

秋七月上辛大雩季辛又雩

傳曰旱甚也劉歆以為時后氏與季氏有隙又季

氏之族有淫妻為讒使季平子與族人相惡皆共

譖平子子家駒諫曰讒人以君徼幸不可昭公遂

伐季氏為所敗出奔漢書五行志中之上

賈逵云上辛不注正義案文選洞簫賦李善注云澍與注古字通論衡雷虛篇

云雨潤萬物名曰澍

九月己亥公孫于齊次于陽州

陽州公羊曰楊州

案陽楊古字通

二十有六年三月公至自齊居于郚

賈云公不得歸其國都而書至者季氏示欲為臣

故以告廟

正義

秋公會齊侯莒子邾子杞伯盟于剡陵

剡陵公羊曰鄆陵

案宋巾箱本左氏經作剡其餘本俱作鄆與公穀經同鄆正字

剡蓋假借字閩本公羊疏作剡

增音釋云剡音專本亦作專

二十有七年

二十有八年

夏四月丙戌鄭伯寧卒

寧公羊曰寧

案下滕子寧公羊亦作寧說見宣十一年

三十有九年

三十年

徐子章羽奔楚

章羽公羊曰章禹

案羽禹同聲通假

三十有一年

季孫意如會晉荀躒于適厯

躒公羊曰躒

案躒躒同聲通假

冬黑肱以濫來奔

黑肱公羊曰黑弓

案儀禮鄉射禮侯道五十弓鄭云今文改弓為肱是弓與肱通

十有十二月辛亥朔日有食之

劉歆以為二日宋燕分

案是年入甲申統一千一百三十二年積月一萬三

千四百六十一小餘五十一大餘一正月乙酉朔大小餘十三二月乙卯朔小小餘五十六三月甲申朔大小餘十八四月甲寅朔小小餘六十一五月癸未朔大小餘二十三六月癸丑朔小小餘六

十六七月壬午朔大小餘二十八八月壬子朔小小餘七十一九月辛巳朔大小餘三十三十月辛亥朔小小餘七十六十一月庚辰朔大小餘三十八十二月庚戌朔二日辛亥又置是年積日加積日三百二十五以統法乘之以十九乘小餘三十八并之滿周天除去之餘四十九萬七千五百三十六滿統法而一得積度三百二十三度餘四百三十九命如法得十二月庚戌朔合辰在尾十四度二日辛亥日在尾十五度

三十有二年春王正月公在乾侯取闕

賈逵云昭公得闕季氏奪之不用師徒

正義

冬仲孫何忌會晉韓不信齊高張宋仲幾衛世叔申

鄭國參曹人莒人薛人杞人小邾人城成周

莒人薛人公羊曰莒人邾婁人薛人穀梁曰莒人

邾人薛人

案左氏經無邾人疑奪

賈逵云魯有昭公難故會而不盟

正義

卷第五終

春秋古義卷第六 經六

長興 臧壽恭述

定公

正義云定公以敬王十一年即位 案正義不言是歲星所在蓋奪誤置昭元年定次四次餘一百三十各加三十二得積次三十六次餘一百六十二積次滿十二去之得定次一命如法得歲在立柁 公羊疏二十五云何氏以為定公者昭公之子與賈服異

春秋古經第十一

元年春王

六定



案書時不書月者推賈服之例當是定公未卽位太史登臺望氣而不視朔故書時不書月

二年

三年春王正月公如晉至河乃復

賈逵云刺緩朝見辭失所不諱罪已 正義

二月辛卯

二月公羊穀梁曰三月 案公羊疏云三月辛卯云云公羊穀梁皆作三月左

氏作二月 未知孰正

冬仲孫何忌及邾子盟于拔

拔公羊曰枝 案拔與枝形近易渾猶公孫枝之爲公孫拔也

四年

夏四月庚辰蔡公孫姓帥師滅沈

公孫姓公羊曰公孫歸姓 案未詳 襄六年公羊疏引經亦作蔡公孫歸

姓

五月公及諸侯盟于臯鼬

臯鼬公羊曰浩油 案地名無定字臯與浩鼬與油皆同音通假

杞伯成卒于會

六定

二

杞伯成公羊曰杞伯戊

案釋文云伯戊音茂是陸氏所見公羊經作戊史記

趙世家大戊午為相徐廣曰戊一作成漢書古今人表作大成午國策韓策亦作大成午是戊成二

字古書多相亂

秋七月公至自會劉卷卒

案推賈服之例還至

不月為劉卷卒月

晉士鞅衛孔圉帥師伐鮮虞

孔圉公羊曰孔圉

案圉與圉音同通假

冬十有一月庚午蔡侯以吳子及楚人戰于柏舉楚

師敗績楚囊瓦出奔鄭

柏舉公羊曰伯莒

案史記范雎蔡澤傳云而从唐舉遊索隱引荀卿書作唐莒顏

氏家訓音辭篇云北人之音多以舉莒為矩是舉莒同音通假柏伯古通

庚辰吳入郢

郢公羊穀梁曰楚

案傳說不同困學紀聞亦云楚昭出奔猶有君申包胥求救

猶有臣也故不言楚

五年春王三月辛亥朔日有食之

三月公羊曰正月

案漢書楚元王傳注亦云五年正月辛亥朔師古所據疑是穀

梁經而二傳釋文不言與左氏異
今本穀梁經亦作三月與左氏同

劉歆以為正月二日燕越分案是年入甲申統一千一百三十八年積

月一萬四千七十五閏餘五積日四十一萬五千
六百四十六小餘七十四大餘二十六正月庚戌
朔二日辛亥又置是年積日以統法乘之以十九
乘小餘七十四并之滿周天除去之餘五十五萬
一百六十滿統法而一得積度三百五十七度餘
七百三十七命如法得正月庚戌朔合辰在斗十
九度二日辛亥
日在斗二十度

夏歸粟于蔡

賈逵曰不書所會後也正義

六年

季孫斯仲孫忌帥師圍郚

賈氏云公羊曰仲孫何忌公羊疏二十六 公羊疏云穀梁及賈經皆無

何字案今本公羊經亦作仲孫忌無何字土經
夏季孫斯仲孫何忌如晉三家經並同范氏於如
晉下注云仲孫忌而曰仲孫何忌甯所未詳是上
經有何字杜氏于圍郚下注云何忌不言何闕文
是杜注本左氏經與賈經
同疑今本公羊經傳有誤

七年

齊侯衛侯盟于沙

六定

沙公羊曰沙澤 案左氏經作沙而傳作瑣成十二年會于瑣澤公羊經亦作沙澤是

沙即瑣澤瑣澤即沙澤故公羊作沙澤

九月大雩

賈逵云旱也 正義

八年

三月公至自侵齊曹伯露卒

賈逵云還至不月為曹伯卒月 公羊疏二十六

晉士鞅

士鞅公羊曰趙鞅 案傳說不同

葬曹靖公

靖公公羊曰靖公 案隸釋漢帝堯碑靖恭祈福王子喬碑作靜史記周本紀宣王

靜漢書古今人表作靖是靖靖靜三字古通

盜竊寶玉大弓

劉歆以來說左氏者皆以為夏后氏之璜封父之

繇弱成王所以分魯公也 正義

九年

六定

五

夏四月戊申鄭伯薑卒

薑公羊曰噓

案薑說文作薑又口部噓高氣多言也从口薑省聲二字音同古蓋通假

又見襄

十四年

十年

夏公會齊侯于夾谷

夾谷公羊穀梁曰頰谷

案夾蓋頰之省

齊人來歸鄆謹龜陰田

鄆謹龜陰田穀梁曰鄆謹龜陰之田

案穀梁多之字或衍

賈氏以為鄆謹二邑邑內人民多故舉邑名龜陰

言田者龜是山名直得田而不得邑

公羊疏二十六

圍鄆

邱公羊曰費

案疏云賈氏不云公羊曰費者蓋文不備或所見異也

宋樂大心出奔曹

賈氏云樂大心公羊曰樂泄心

公羊疏二十六案今本公羊經泄

作世疏云宋樂世心世字亦作泄字故賈氏言焉

宋公子地出奔陳

地公羊曰池案地與池隸變形近古書多渾莊子
大宗師穿池而養給釋文云池本作

冬齊侯衛侯鄭游速會於安甫

安甫公羊曰鞏

案公羊疏云賈氏不云公羊曰鞏者亦是文不備穀梁經甫亦有作

浦氏者

宋公之弟辰暨仲佗石彊出奔陳

仲佗公羊曰宋仲佗

案公羊多宋字何注有明文

十有一年

十有二年

冬十月癸亥公會齊侯盟于黃

齊侯公羊曰晉侯

案傳說不同

十有一月丙寅朔日有食之

劉歆以為十月

毛本漢書誤作十二月

二日楚鄭分

案是年入甲申

統一千一百四十五年積月一萬四千一百六十一
一閏餘十六正小滿閏在六月前積日四十一萬
八千一百八十六小餘四十六大餘四十六正月
庚午朔大小餘八二月庚子朔小小餘五十一三
月己巳朔大小餘十三四月己亥朔小小餘五十
六五月戊辰朔大小餘十八閏月戊戌朔小小餘

六十一六月丁卯朔大小餘二十三七月丁酉朔
小小餘六十六八月丙寅朔大小餘二十八九月
丙申朔小小餘七十一十月乙丑朔二日丙寅又
置是年積日加積日二百九十五以統法乘之以
十九乘小餘七十一并之滿周天除去之餘四十
一萬六千二百八十八滿統法而一得積度二百六十
九度餘八百六十八命如法得十月乙丑
朔合辰在角六度二日丙寅日在角七度

十有三年春齊侯衛侯次于垂葭
垂葭公羊曰垂瑕 案葭瑕并从葭聲同聲相假

十有四年春衛公孫戌來奔衛趙陽出奔宋

衛趙陽公羊穀梁曰晉趙陽 案傳說不同

二月辛巳楚公子結陳公孫佗人帥師滅頓以頓子

牂歸

公孫佗人公羊曰公子佗人牂公羊曰倉 案公孫作公子

傳說不同牂倉同音相假 公羊疏云左氏穀梁皆作頓子牂子賈氏不注文不備

五月於越敗吳于檇李

檇李公羊曰醉李 案左傳釋文云檇音醉公羊釋文云醉李本又作檇音同是公

羊經亦有作檇之本 二字音同故相通假

公會齊侯衛侯于牽

六定

牽公羊曰堅

案公羊釋文云于堅如字本又作擊音牽是堅同音故相通假

天王使石尚來歸賑

先儒解此云祭社之肉盛于賑器以賜同姓諸侯

正義案此年無冬依左氏例當刺不登臺視朔

十有五年

齊侯衛侯次于渠蔭

渠蔭公羊曰籛蔭

公羊疏云左氏作籛挈字賈氏無說文不備也據此則左氏經

又有作籛挈者案凡雙聲疊韻因聲得義本無定字故音同皆可通假

賈逵云欲救宋善恤鄰也

公羊疏二十六

秋七月壬申妣氏卒

妣氏穀梁曰弋氏

案已見宣四年

八月庚辰朔日有食之

劉歆以為六月晉趙分

案是年入甲申統一千一百四十八年積月一萬四

千一百九十八閏餘十八正驚蟄閏在三月前積日四十一萬九千二百七十九小餘十七大餘五十九正月癸未朔小小餘六十二月壬子朔大小餘二十二閏月壬午朔小小餘六十五三月辛亥朔大小餘二十七四月辛巳朔小小餘七十五月庚戌朔大小餘三十二六月庚辰朔又置是年積

日加積日一百七十七以統法乘之以十九乘小
餘三十二并之滿周天除去之餘二十二萬九千
六百三十二滿統法而一得積度一百四十四
九度餘三百二十一命如法合辰在參七度

九月滕子來會葬丁巳葬我君定公雨不克葬戊午

日下昃乃克葬辛巳葬定妣

日下昃穀梁曰日下稷案昃釋文作昃易豐日中則昃釋文吳孟本作稷是

昃與稷通又案三統推丁巳九月十日辛巳八
月三日先葬定妣後葬定公者禮所謂葬先輕而
後重也經先書葬定公後書葬定妣者禮所謂其
奠其虞先重而後輕也故何休注此經引曾子問
曰並有喪則如之何何先何後孔子曰葬先輕而
後重其奠也其虞也先重而後輕禮也辛巳不重

書八月者上有八月庚辰朔辛巳在八月不言可
知且于九月後復書八月于文不順故不書漢儒
說左氏穀梁者當與何休同自杜預注以為辛巳
是十月三日有日無月江左學者皆用杜注故劉
炫作公羊疏亦誤會何休引曾子問之意于是葬
先輕後重奠先重後輕之禮不見而聖人筆削之
精義遂晦皆杜預之罪也

冬城漆

春頹氏曰漆有邾之舊廟正義

哀公

正義云哀公以敬王二十八年即位案是年正
義不言歲星所在蓋傳寫奪誤置定元年歲星定

次一次餘十八各加十五得積次十六次餘三十
三積次滿十二去之得定次四命如法得歲在大
梁

春秋古經第十二

元年

二年春王二月季孫斯叔孫州仇仲孫何忌帥師伐
邾取鄆東田及沂西田

左氏以鄆東沂西為邑名

公羊疏二十七

癸巳叔孫州仇仲孫何忌及邾子盟于句繹

服虔云季孫尊卿敵服先歸使二子與盟

正義

秋八月甲戌晉趙鞅帥師及鄭罕達帥師戰于鐵鄭

師敗績

公羊疏云諸家之經軒達之下皆有帥師惟服引
經者無與諸家異案水經注五引亦有帥師二字

鐵公羊曰栗

公羊疏云于鐵者三家同有作栗字
者誤也今定本作栗字公羊釋文云

栗一本作秩二傳作鐵
栗秩皆一聲之轉故可通假

案鐵

三年春齊國夏衛石曼姑帥師圍戚

左氏以為子而拒父悖德逆倫大惡也

禮記正義十引五經

異義 正義云穀梁傳曰此衛事也其先國
夏何也子不圍父也先儒皆同穀梁之說

五月辛卯桓宮僖宮災

漢書五行志上云哀公三年五月辛卯桓釐宮災
董仲舒劉向以為此二宮不當立違禮者也哀公
又以季氏之故不用孔子孔子在陳聞魯災曰其
桓釐之官乎以為桓季氏之所出釐使季氏世卿
者也 正義引服虔主云季氏出桓公又為僖公
所立故不毀其廟 案服注與二傳說同凡五行
志所采春秋說于董仲舒劉向後不
別出劉歆者疑左氏說皆與之同

季孫斯叔孫州仇帥師城啟陽

啟陽公羊曰開陽 案公羊釋文云開陽左氏作
啟陽開者為漢景帝諱也

四年春王二月庚戌盜殺蔡侯申

二月公羊曰三月 案三傳釋文不言異同疑
唐石經及各本公羊經誤

夏蔡殺其大夫公孫姓公孫霍

公孫姓公羊曰公孫歸姓 案三傳釋文不
言異同未詳

六月辛丑亳社災

賈氏云亳社公羊曰薄社 公羊疏二十七 案今
本公羊經及釋文俱作

薄社與賈氏所見本異薄即
薄之省薄與亳同音相假

左氏以為亳社者殷社也武王滅殷遂取其社賜

諸侯以為有國之戒公羊疏二十七 案左傳正義云說者以為立亳社于廟門之外屏蔽使人君視之而致戒也正義所云說者蓋左氏舊說

五年春城毗

毗公羊曰比

公羊釋文云比本又作芑亦作庇同音毗左氏作毗 案毗比芑庇四字

同音蓋地名無定字耳

六年春城邾瑕

城邾瑕公羊曰城邾婁葭

案定十三年左氏經次于垂葭公羊曰垂瑕此

年左氏經城邾瑕公羊曰城邾婁葭瑕葭同音故互用

齊陳乞弑其君荼

荼公羊曰舍

案茶舍古並讀若舒故可通假

七年

八年

夏齊人取讙及闚

闚公羊曰俾

案闚作俾亦假借字

九年

十年

六哀

薛伯夷卒

夷公羊曰寅

書寅賓出日釋文云徐邈以真反又音夷案寅與夷聲轉相近詩祁為麇

說文殷聲如衣荈从君聲讀若威震从真聲讀為資此皆真諄脂微聲近之理

十有一年

陳轅頗出奔鄭

轅公羊曰袁

案說見僖四年

十有二年

孟子卒

賈氏以為言孟子若言吳之長女也 正義

公會衛侯宋皇瑗于鄆

鄆公羊曰運

案鄆作運假音字

十有三年

許男成卒

成公羊曰戌

案左氏釋文云男成音城本或作戌是左氏亦有作戌之本公羊釋文云

男成本亦作戌是公羊亦有作成之本說見昭十年

晉魏曼多帥師侵衛

魏曼多公羊曰魏多

案公羊無曼字傳有明文

冬十有一月有星孛于東方

劉歆以為孛東方大辰也不言大辰旦而見與日

爭光星入而孛猶見是歲再失閏十一月實八月

也日在鶉火周分野也

漢書五行志下之下

盜殺陳夏區夫

區公羊曰彊

案彊字从區得聲同音相假

十有二月螽

劉歆以為周十二月夏十月也火星既伏蟄蟲皆

畢天之見變因物類之宜不得以螽是歲再失閏

矣周九月夏七月故傳曰火猶西流司麻過也

漢書

五行志中之下

十有四年春西狩獲麟

賈逵服虔穎容等皆以為孔子自衛反魯考正禮

樂修春秋敘以周禮三年文成致麟麟感而至取

龍為水物故以為修母致子之應

正義

服虔注麟中央土獸土為信信禮之子修其母致
其子視明禮修而麟至思睿信立而白虎擾言从
義成而神龜在沼聽聰知正則名川出龍貌恭性
仁則鳳凰來儀禮記正義

禮記正義

左氏說麟是中央軒轅大角獸孔子修春秋者禮
修以致其子故麟來為孔子瑞陳欽說麟西方毛
蟲孔子作春秋有立言西方兌兌為口故麟來禮記

五經異義

小邾射以句繹來奔

賈逵云此下弟子所記正義

服虔云春秋終於獲麟故小邾繹不在三叛人中
也弟子欲明夫子作春秋以顯其師故書小邾射

以下至孔子卒序正義

五月庚申朔日有食之

劉歆以為三月二日

疑衍

齊衛分

案是年入甲申

十二積月一萬四千三百七十二閏餘二積日四
十二萬四千四百十七小餘四十七大餘三十七

正月辛酉朔大小餘九二月辛卯朔小小餘五十
二三月庚申朔又置上積日加積日五十九以統
法乘之以十九乘小餘五十二并之滿周天除去
之餘八萬六千一百二十二滿統法而一得積度五
十五度餘一千四百六十七
命如法合辰在營室五度

冬有星孛

劉歆以爲不言所在官失之也

漢書五行志下之下

卷第六終

